

欽定四庫全書薈要

子部
農家類

吉林出版集團有限責任公司
海天出版社

目次

書

名

卷

次

頁

次

作

者

御定廣羣芳譜

卷七六

木譜九

卷七七

木譜一〇

卷七八

木譜一一

卷七九

木譜一二

卷八〇

木譜一三

卷八一

木譜一四

卷八二

竹譜一

卷七六—卷一〇〇

二六一—一

二六一—二二

二六一—四〇

二六一—五八

二六一—七七

二六一—一〇〇

二六一—一二四

清・康熙四十七年聖

祖仁皇帝詔取明

王象晉元本刪增

成編

書名	卷次	頁次	作者
卷八三 竹譜二 卷八四 竹譜三 卷八五 竹譜四 卷八六 竹譜五 卷八七 卉譜一 卷八八 卉譜二 卷八九 卉譜三 卷九〇 卉譜四 卷九一 卉譜五		二六一—二四〇 二六一—二六一 二六一—一八一 二六一—二〇三 二六一—二二二 二六一—二四三 二六一—二七一 二六一—二九四 二六一—三一二	

書名	卷次	頁次	作者
卷九二 卉譜六 卷九三 藥譜一 卷九四 藥譜二 卷九五 藥譜三 卷九六 藥譜四 卷九七 藥譜五 卷九八 藥譜六 卷九九 藥譜七 卷一〇〇 藥譜八		二六一—三三二 二六一—三五一 二六一—三七二 二六一—三九三 二六一—四二一 二六一—四四七 二六一—四七二 二六一—五〇三 二六一—五三一	

欽定四庫全書薈要

子部
御定廣羣芳譜卷七十六

欽定四庫全書薈要卷一萬六百三十九子部

御定佩文齋廣羣芳譜卷七十六

木譜

柳一

增

本草柳一名小楊一名楊柳

陳藏器曰江東人通名楊柳北人都不言楊揚

樹枝葉短柳樹枝葉長李時珍曰楊枝硬而揚起故謂之揚柳枝弱而垂流故謂之柳蓋一物二種也

原柳易生之木也

埤雅云柳與楊同類雖縱橫顛倒植之皆生

性柔脆北土

最多枝條長軟葉青而狹長其長條數尺或丈餘嫋嫋

欽定四庫全書

御定廣羣芳譜卷七十六

下垂者名垂柳木理最細膩唐曲江池畔多柳號為柳

衙謂成行列如排衙也柳條柔弱嫋娜故言細腰娥媚

者謂之柳腰

彙考增易枯楊生稊注稊者楊之秀也疏稊者楊柳之

穗故云楊之秀也

原詩齊風折柳樊圃

陳風東門

之楊其葉牂牁

東門之楊其葉肺肺增小雅昔我

往矣楊柳依依

原小雅菀彼柳斯增周禮地官司

徒以土會之法辨五地之物生二曰川澤其動物宜鱗

詳校官主事臣陳本

物其植物宜膏物注膏物謂楊柳之屬 原大戴禮正

月柳稊稊者發乎也 增戰國策田需貴於魏王惠子

曰子必善左右今夫楊橫樹之則生倒樹之則生折而

樹之又生然使十人樹楊一人拔之則無生楊矣 楚

有養由基者善射去柳葉百步而射之百發百中 原

漢書五行志昭帝時上林苑種大柳樹斷仆地一朝起

立生枝葉有蟲食其葉成文字曰公孫病已立 增漢

書地理志信都國扶柳注師古曰闕駟云其地有扶澤

欽定四庫全書

御定廣羣芳譜
卷七十六

澤中多柳故曰扶柳 晉書嵇康傳康性絕巧而好鍛

宅中有一柳樹甚茂乃激水圍之每夏月居其下以鍛

原晉書陶侃傳侃性纖密好問頗類趙廣漢常課諸

營種柳都尉夏施盜官柳植之於已門侃後見駐車問

曰此是武昌西門前柳何因盜來此種施惶怖謝罪

桓溫傳溫自江陵北伐行經金城見少為瑯琊時所種

柳皆已十圍慨然曰木猶如此人何以堪 增晉書苻

堅載記王猛整齊風俗自長安至于諸州皆夾路樹槐

柳百姓歌之曰長安大街夾樹楊槐下走朱輪上有鸞

棲英彥雲集誨我萌黎 原南齊書王敬則傳敬則初

為散騎使北於北館種楊柳後員外郎虞長耀北使還

敬則問我昔曾種楊柳樹今若大小長耀曰北人以為

甘棠敬則笑而不答 隋書高穎傳穎少明敏有器局

畧涉書史尤善詞令初孩孺時家有柳樹高百許尺亭

亭如蓋里中父老曰此家當出貴人 南史張緒傳緒

吐納風流聽者皆忘飢疲見者肅然如在宗廟雖終日

欽定四庫全書

御定廣羣芳譜
卷七十六

與居莫能測焉劉悛之為益州獻蜀柳數株枝條甚長

狀若綵縷時舊宮芳林苑始成武帝以植于太昌靈和

殿前常賞玩咨嗟曰此楊柳風流可愛似張緒當年時

其見賞愛如此 增南史陸慧曉傳慧曉與張融並宅

其間有池池上有二株楊柳何點歎曰此池便是醴泉

此木便是交讓 劉瓛傳瓛晉丹陽尹悵六世孫篤志

好學丹陽尹素繁於後堂夜集聞而請之指廳事前古

柳樹謂瓛曰人謂此是劉尹時樹每想高風今復見卿

清德可謂不衰矣 隱逸傳陶潛少有高趣宅邊有五柳樹嘗著五柳先生傳 舊唐書范希朝傳希朝除振武節度使單于城中舊少樹希朝于他處市柳子命軍人種之俄遂成林居人賴之 唐書呂渭傳貞元中渭累遷禮部侍郎始中書省有古柳建中末枯死德宗自梁還復榮茂人以為瑞柳渭令貢士賦之 文藝傳王維別墅在輞川有柳浪 宋史五行志天聖元年二月河陽柳二本連理 辛仲甫傳乾德五年入拜右補闕

欽定四庫全書

御定廣羣芳譜
卷七十六

四

出知光州六年移知彭州先是州少種樹暑無所休仲甫課民栽柳陰行路郡人德之名為補闕柳 遼史禮志遼國行瑟瑟儀若天早前期置百柱天棚乃射柳皇帝再射親王宰執以次各一射中柳者質誌柳者冠服不中者以冠服質之不勝者進飲於勝者然後各歸其冠服又翌日植柳天棚之東南平以酒醴黍稷薦植柳祝之皇帝皇后祭東方畢子弟射柳皇族國舅羣臣與禮者賜禮物有差既三日雨則賜敵烈麻都馬四匹衣

欽定四庫全書

御定廣羣芳譜
卷七十六

五

四襲否則以水沃之 山海經廬山之西有谷焉名曰翟谷其木多柳 鳳伯之山熊山真陵之山木多柳 平丘山爰有楊柳 沃民之國有白柳 原營子五沃之土其木宜柳 增淮南子注展禽之家有柳樹身行惠德因號柳下惠一曰邑名 三輔黃圖細柳觀在長安西北三輔舊事云漢文帝大將軍周亞夫軍於細柳今呼古微是也 長安御溝謂之楊溝謂植高楊于其上也 荊州記緣城隄邊悉植細柳綠條散風青陰交陌 秦州記上邽縣北有利山川中平地有土堆高五大生二楊樹大數十圍百姓祀之 孔氏志怪會稽盛逸嘗晨興路未有行人見門內柳樹上有一人長二尺衣朱衣冠冕俯以舌舐樹上露良久忽見逸神意如驚遽即隱不見 開河記大業中開汴渠兩堤上栽垂柳詔民間有柳一株賞一鰓百姓競植之 鄴侯家傳泌賦詩譏楊國忠曰青青東門柳歲晏復憔悴國忠訴於明皇上曰賦柳為譏卿則賦李為譏朕可乎 酉陽雜

組肅宗將至靈武一驛黃昏有婦人長大攜雙鯉宅於營門曰皇帝何在衆謂風狂遽白上潛視舉止婦人言已止大樹下軍人有逼視見其臂上有鱗俄天黑失所在及上即位歸京闕號州刺史王奇光奏女媧墳云天寶十三載大雨晦冥忽沉今月一日夜河上有人覺風雷聲曉見其墳湧出上生雙柳樹高丈餘下有巨石兼畫圖進上初克復使祝史就其所祭之至是而見衆疑向婦人其神也 原清異錄新栽柳樹必用泥封其頭

欽定四庫全書

御定廣羣芳譜
卷七十六

六

頗類比丘頂元伯玉宅前插柳初春吐芽伯玉曰喜得漏春和尚一一無恙蓋取杜子美漏泄春光有柳條之句 孔帖韋維初為省郎時蒔柳於庭及其子虛心兄弟居郎省對之斂容 增冷齋夜話王仲正言老杜詩江蓮搖白羽天棘蔓青絲天棘非煙雨自是一種物曾見於一小說今忘之高秀實曰天棘天門冬也天門冬一名顛棘非天棘也王元之詩曰水芝卧玉腕天棘舞金絲則天棘蓋柳也 西朝寶訓真宗賦御溝柳詩令

宰相兩省和進陳執中詩曰一度春來一度新翠光長得照龍津君王自愛天然態恨殺昭陽學舞人其詩最尤者 原古今詩話漢張敞為京兆尹走馬章臺街街有柳終唐世曰章臺柳故杜詩京兆空柳色 增暇日記孟伯饒說宋用臣種柳睿思殿用常柳五株批開急合為一取園直麻縷繫牛矢泥固深栽之一年有三年力 白玉蟾集太微宮中箕宿之精化而為柳垂垂裊裊然于淡雲疎雨之間其間則有五柳先生古人之所以隱于柳者蓋欲彰其溫柔謙遜之志也 墨莊漫錄

欽定四庫全書

御定廣羣芳譜
卷七十六

七

揚州蜀岡上大明寺平山堂前歐陽文忠手植柳一株謂之歐公柳公詞所謂手植堂前楊柳別來幾度春風者薛嗣昌作守相對亦種一株自榜曰薛公柳人莫不嗤之 高僧傳西域尼拘律陀樹即東夏之楊柳西域人來止稱尼拘 方輿勝覽建康有鳳州柳蜀主與江南結婚求得其種鳳州出手柳酒曾極詩云蜀主函封遣使時芳根原自鳳州移柔萋醺醪今安得惟有青絲

拂地垂 湖山勝槩段橋又名段家橋萬柳如雲望如

裙帶白樂天詩云誰開湖寺西南路草綠裙腰一道斜

高梁橋記高梁橋在西直門外京師最勝地也兩水

夾堤垂楊十餘里 小輞川記藍田別墅前有池渟泓

一碧左右垂柳交蔭顏曰水木清華 小崑山記紅菱

渡之東板橋橫焉左右多垂楊曰楊柳橋 閩部疏閩

部最少楊柳福州城中士大夫園池邊間有一兩株作

長條拂地不能拱把 西浮簪皖城之東垂楊撲江陰

欽定四庫全書

御定廣羣芳譜
卷七十六

幕數里帆影盡綠 淮南記南門三里許有池曼衍碧

瀾映底菰蔣菱蒲互相凌亂柳樹百株籠煙拂風架木

為橋濶可並騎度橋及洲洲上築天妃宮堂楹精楚庭

除清蔭亦柳為翳景也宮旁二百步又為板橋小渚渚

有亭亭有柳澄懷味象渺然盡陂澤山林之思 西湖

志西湖北山有柳洲亭覽勝志引元史云南渡後自湧

金至錢塘沿城五里堤岸偏插垂柳故名 嘉興志五

柳橋在嘉興縣治西宋張堯同詩為懷陶靖節無復見

其人惟種橋邊柳猶含舊日春 漢中府志金絲柳出

鳳縣宋元豐間有旨下鳳州取金絲柳一百根墨客揮

犀云鳳州妓女手皆纖白州境內生柳翠色可愛與他

處不同又公庫多美醞故世言鳳州有三出淳熙初太

守傅子平作詩云珍珠不見小槽紅遐想柔荑刺嫩葱

惟有萬條羅帶綠年年依舊舞春風 原太原府志柳

溪在府城西太守陳堯佐築堤植柳數萬有亭有閣率

郡僚上已泛舟於此 平涼府志柳湖在府城北三十

欽定四庫全書

御定廣羣芳譜
卷七十六

里宋守蔡挺建湖畔柳數千株綠蔭平堤湖光可挹

慶陽府志寧州治後園宋建蓮池柳巷花嶼蘭皋一郡

勝地也 予師帶溪曲公自西粵左轄入覲為予言西

粵無柳僅藩司一株每吐葉則司中設席請三司賞柳

以為奇觀後以質之予同年唐兄抱一唐云豈止此某

鄉紳園中仍有一株夫柳中土林立而粵西至此之異

卉奇葩然則物之貴賤豈有定哉

集藻序原魏曹植柳頌序余以閒暇駕言出遊過友人

楊德祖之家視其屋宇寥廓庭中有一柳樹聊戲刊其枝葉故著斯文表之遺翰遂因辭勢以譏當今之士

賦原漢枚乘忘憂館柳賦忘憂之館垂條之木枝逶迤而含紫葉萋萋而吐綠出入風雲去來羽族既上下而好音亦黃衣而絳足蜩蟬厲響蜘蛛吐絲階草漠漠白日遲遲於嗟細柳流亂輕綵君王淵穆其度御羣英而翫之小臣瞽瞍於此陳辭於嗟樂兮於是樽盈縹玉之酒爵獻金漿之醪庶羞千族盈滿六庖弱綵清管與風

欽定四庫全書

御定廣羣芳譜
卷七十六

霜而共雕鎗鏗啾啾蕭條寂寥雋義英髦列襟聯袍小臣莫效于鴻毛空銜鮮而嗽醪雖復河清海竭無增景於邊櫟增魏文帝柳賦並序昔建安五年上與袁紹戰於官渡時余始植斯柳自彼迄今十有五載矣感物傷懷乃作斯賦曰伊中域之偉木兮瑰姿妙其可珍稟靈祇之篤施兮與造化乎相因四時邁而代運兮去冬節而涉春彼庶卉之未動兮固肇萌而先辰盛德遷而南移兮星鳥正而司分應隆時而繁育兮揚翠葉之青

欽定四庫全書

御定廣羣芳譜
卷七十六

純修幹偃蹇以虹指兮柔條婀娜而蛇伸上扶疎而施散兮下交錯而龍鱗在余年之二七植斯柳乎中庭始圍寸而高尺今連拱而九成嗟日月之逝邁忽疊疊以遄征昔周遊而處此今倏忽而弗形感遺物而懷故俛惆悵以傷情於是曜靈次乎鵲首兮景風扇而增暖豐弘陰而博覆兮躬愷悌而弗倦四馬望而傾蓋兮行旅仰而迴瞻秉至德而不伐兮豈簡畀而擇賤舍精靈而寄生兮保休體之豐行惟尺斷而能植兮信永貞而可美王粲柳賦昔吾君之定武致天屆而徂征元子從而撫軍植嘉木於茲庭歷春秋以逾紀行復出于斯鄉覽茲樹之豐茂紛旖旎以修長枝扶疎而覃布莖森梢以奮揚人情感於舊物心惆悵以增慮行游目而廣望觀城壘之故處悟元正之話言信思難而存懼嘉甘棠之不伐畏取累于此樹苟遠跡而退之豈駕馳而不屢應場楊柳賦赴陽春之和節植纖柳以承涼攄豐節而廣布紛鬱勃以敷揚三春條其奄過景日赫其垂光

振橫條而遶翳迴雲蓋於中唐 繁欽柳賦有寄生之
孤柳託余寢之南隅順肇陽以吐芽因春風以揚敷交
綠葉而重葩轉紛錯以扶疎鬱青青以暢茂紛冉冉以
陸離浸朝露之清液曜華采之猗猗 晉傳玄柳賦美
允靈之鑠氣兮嘉木德之在春何茲柳之珍樹兮稟二
儀之清純受大角之禎祥兮生濛汜之遐濱參剛柔而
定體兮應中和以屈伸長莖舒而增茂兮密葉布而重
陰夾通塗與廣庭兮環清沼而成林于是玄雲被岳素
景含暉太液渥流朝露未晞是精靈之所鍾兮蔚鬱鬱
以依依居者觀而弭思兮行者樂而忘歸夫其結根建
本則固於泰山兼覆廣施則均於昊天雖尺斷而逾滋
兮配生生於自然無邦壤而不植兮象乾道之屢遷紛
荷靡以從風兮若將往而復旋若乃豐葩茂樹長枝天
天婀娜四垂凱風振條同志來遊攜手逍遙 成公綏
柳賦宅京宇之西偏濱犢鼻之清渠啓橫門於大路臨
九達之通衢愍行旅之靡休樹雙柳于道隅彌年載而

欽定四庫全書

御定廣羣芳譜
卷七十六

十二

成陰紛嬋娟而扶疎 唐郭炯西掖瑞柳賦乾坤至誠
草木無情神靈乘化而致理枯朽効祥而發生當聖澤
未沾故兀然枯瘁及天光迴照遂藹爾敷榮因萬物以
咸遂與百祥而畢呈故得垂陰瓊闥之中固本鳳池之
側始孤標而穎拔乍苒弱而條直長充西掖之佳翫迴
奪東門之秀色芬敷自異永垂不朽之名變化無常用
表好生之德懿其莫生漸蔚翰肇惟條拂瑞景而增麗
裊祥風而獨搖可以彰聖主之玄感可以見昊天之力
昭舒卷以時陋梧桐之半死榮枯順理鄙松柏之後凋
且春布發生之慶秋行肅殺之令于天地而不失其常
在金木而各得其性衆皆畢出盡達我則向日而襄衆
皆黃落萎腓我則感時而盛不然何知至德之動天運
神功而瑞聖者矣翠色泔泔異酒泉嘉柰之祥輕陰澹
澹同鄴郡枯梓之感烟消雨霽霏素雪於宸居日晏春
深雜繁花於睿覽青翠歲凝垂軒拂墀在日月偏臨之
處當駕鵞集苑之時至矣哉天降靈貺聖為明證既得

欽定四庫全書

御定廣羣芳譜
卷七十六

十三

地而不雜衆流常托根而獨標美稱是知天聽自人而應者也 陳詞西掖瑞柳賦柳美西掖瑞彰聖時感巡遊之未至失榮落于先期雨露所均常比中園之鬱鬱宮闈暫閉若無春日之遲遲所以望車塵之行幸慰都人之怨思物或有憑神固難宰生植不易地而殊榮孤影忽同秋而異色豈上天之降鑒俾下民之是則于以激忠臣之心于以彰大君之德初斯柳之失常人未知其為祥秦原之烟景明媚漢苑之草樹芬芳獨孤彫而槁瘁似永隔于風光無絮花之似雪意膏露之凝霜及夫天迴舊步未得其性千官捧日以輸忠萬騎從龍而翊聖彼衆芳之已歇我得秋而始盛豈固異於常材實願貞乎景命偉夫瑞發匪遙成天意之孔昭德惟可覽結人心之幽感不然柳且無情曷枯而生其枯也當烟塵之晦其生也表氛沴之清與時不偶叶聖斯呈政或可持疾風始知夫草勁節無所立歲寒徒稱乎栢貞宜其俯鳳池而灑潤接雞樹以連榮儒有因物比興屬詞

欽定四庫全書

御定廣羣芳譜
卷七十六

十四

瑞稱聞瑞柳于春宮遂揄揚於天應 敬拈枯楊生稊賦柔得乎剛則變化無方故能令老者以安分使衰者而再芳不然爰之均奚獨殊其棟橈木之衆奚獨舉其枯楊徒觀其枝葉滋潤色帶韶光發枯槁擢豪芒直幹森梢歛浮於青翠高柯偃蹇漸變於蒼黃豈比夫顛木貴枿壞材稱良而已哉至如和風稍吹遲日久照淡清烟而羃歷合晚靄而凝耀苟非懷蠹狀雖死而猶生忽應鳴禽類先號而後笑是知心動于內氣變于形以類相感因時則寘或叢生落落或孤峙亭亭映平林而迴秀倚長空而半青爰有翰林墨客懿此維新覩物生興與時為春在陽當榮於枯木理代實資于哲人遂稽大道將期小伸相長楊以體物希百中於茲辰五言古詩增梁簡文帝折楊柳楊柳亂成絲攀折上春時葉密鳥飛礙風輕花落遲城高短簫發林空畫角悲曲中無別意並是為相思 和湘東王陽雲樓簷柳暖暖陽雲臺春柳發新梅柳枝無極軟春風隨意來潭池

欽定四庫全書

御定廣羣芳譜
卷七十六

十五

青帷閑玲瓏朱扇開佳人有所望車聲非是雷 詠柳
垂陰滿上路結翠早知春花絮時隨鳥風枝屢拂塵欲
散依依采時要歌吹人 元帝詠陽雲樓簷柳楊柳非
花樹依樓自覺春枝邊通粉色隙裏映紅巾帶日交簾
影因吹掃窓塵拂簷應有意偏宜桃李人 綠柳長條
垂拂地輕花上逐風露疑染綠葉小未障空 沈約
翫庭柳輕陰拂建章夾道連未央因風結復解露露柔
且長楚妃思欲絕班女淚成行遊人未應去為此還故
鄉 吳均詠柳細柳生堂北長風發雁門秋霜常振葉
春露詎濡根朝作離蟬宇暮成宿鳥園不為君所愛摧
折當何言 陳張正見折汾柳楊柳未垂空裊裊上春
中枝疎董澤箭葉翠楚臣弓色映長河水花飛高樹風
莫言限宮掖不閉長楊宮 賦得垂柳映斜谿千仞清
溪險三陽弱柳垂葉細臨湍合根空帶石危風翻夾浦
絮雨濯倚流枝不分梅花落還同橫笛吹 祖孫登詠
柳馳道藏烏日鬱鬱正翻風抽翠爭連影飛綿亂上空

欽定四庫全書

御定廣羣芳譜
卷七十六

十六

高葉臨秦塞長枝拂漢宮欲驗傷攀折三春橫笛中

王瑒折楊柳塞外無春色上林柳已黃枝影侵雲暗葉
彩亂星光陌頭藏戲鳥樓上掩新妝攀折思為贈心期
別路長 隋杜之松和衛尉于卿咏柳漢將李屯營遼
河有戍城大夫曾取姓先生曾得名高枝拂遠鴈疎影
度遙星不辭攀折苦為入管絃聲 唐盧照隣折楊柳
倡樓啓曙扉楊柳正依依鶯啼知歲隔條變識春歸露
葉凝秋黛風花亂舞衣攀折將安寄軍中音信稀 韋
承慶折楊柳萬里邊城地三春楊柳節葉似鏡中眉花
如關外雪征人遠鄉思娼婦高樓別不忍擲年華含情
寄攀折 鄭愔折楊柳青柳映紅顏黃雲蔽紫闕忽聞
邊使出枝葉為君攀舞腰愁欲斷春心望不還風花滾
成雪羅綺亂斑斑 李白折楊柳垂楊拂渌水搖艷東
風年花明玉闕雪葉暖金窓烟美人結長想對此心悽
然攀條折春色遠寄龍庭前 金陵白下亭留別驛亭
三楊樹正當白下門吳烟暝長條漢水蘆古根向來送

欽定四庫全書

御定廣羣芳譜
卷七十六

十七

行處迴首阻笑言別後若見之為余一攀翻 姚係庭

柳裊裊楊柳枝當軒雜佩垂交陰總共密分條各自宜
因依似永久攬結更傷離愛此陽春色秋風莫遽吹

皇甫冉崔十四宅各賦一物得簷柳官渡老風烟潯陽
媚雲日漢將營前見胡笳曲中出復在此簷端垂陰仲
長室 韋應物西澗種柳宰邑乖所願僂俛愧昔人聊
將休暇日種柳西澗濱置鐫息微倦臨流睇歸雲封壤
自人力生條在陽春成陰豈自取為茂屬他辰延詠留

欽定四庫全書

御定廣羣芳譜
卷七十六

十一

佳賞山水變夕曛 孟郊搖柳弱弱本易驚看勢難
定因風似醉舞盡日不能正時邀詠花女笑輟春妝鏡
宇文秀才齋中海柳詠玉縷青歲凝結為芳樹姿忽
驚明月鈎鈎出珊瑚枝灼灼不死花蒙蒙長生絲飲栢
况仙味詠蘭擬古詞霜風清颼颼與君長相思 白居易
易有木詩有木名弱柳結根近清池風烟借顏色雨露
助華滋栽栽白雪花娟娟青綠枝漸密陰自庇轉高梢
四垂截枝扶為杖軟弱不自持折條用樊圃柔脆非其

宜為樹信可翫論材何所施可惜金隄地栽之徒爾為

東溪種柳野性愛栽植植柳水中坻乘春持斧砍栽
截而樹之長短既不一高下隨所宜倚岸埋大幹臨流
挿小枝松柏不可待梗枿固難移不如種此樹此樹易
榮滋無根亦可活成陰况非遲三年未離郡可以見依
依種罷水邊憇仰頭間自思富貴本非望功名須待時
不種東溪柳端坐欲何為 種柳三首白頭種松桂早
晚見成林不及栽楊柳明年便有陰春風為催促副取

欽定四庫全書

御定廣羣芳譜
卷七十六

十一

老人心 從君種楊柳夾水意如何準擬三年後青絲
拂綠波仍教小樓上對唱柳枝歌 更想五年後千千
條麴塵路旁深映月樓上閣歲春愁殺閒遊客聞歌不
見人 崔護五月水邊柳結根挺涯溪垂影覆清淺睡
臉寒未開嫩腰晴更軟搖空條已重拂水帶方展似醉
烟景凝如愁月露泣絲長魚悞恐枝弱禽驚踐長別幾
多情含春任攀攀 宋司馬光柳驛道苦車馬田廬悲
斧斤誰栽官舍前老朽完天真所願明府心庇樹如庇

人李元應折楊柳東風來何時百花已飄零獨有堤
上柳慘澹含春榮扁舟復何適延客江上亭顧無青玉
案何以送子行攀條欲相贈上有雙流鶯流鶯正求友
奈此離別情元謝應芳六柳莊為沈太守作彭澤五
株柳清風千載餘顧余心乃心修名難與俱所以樹六
柳於焉結吾廬門前有流水樹下堪釣魚我柳已成陰
豈不懷放歸人生一趨舍世事紛萬殊善學柳下惠風
雨慎攸居繼跡子陶子亦曰姑徐徐誰其知此心南山
欽定四庫全書 御定廣羣芳譜 卷七十六 二十

默如愚明末凱鄒園柳堤柔條被晴莎密陰覆芳杜
逶迤起沙際寂寞連水滸鷗眠雨未歇鶯叫烟初曙還
將竹竿去從爾釣春渚
七言古詩增唐許景先折柳篇春色東來渡渭橋青門
垂柳百千條長楊西連建章路漢家林苑紛無數紫花
始遍合歡枝游絲半冒相思樹春樓初日照南隅柔條
垂綠掃金鋪寶釵新梳倭墮髻錦帶交垂連理襦自憐
柳寒淹戎幕銀燭長啼愁夢著芳樹朝催玉管新春風

夜染羅衣薄城頭楊柳已如絲今年花落去年時折芳
遠寄相思曲為惜容華難再持李白宜春苑奉詔賦
龍池柳色初青聽新鶯百轉歌東風已綠瀛州草紫殿
紅樓覺春好池南柳色半青青紫烟裊娜拂綺城垂絲
百尺挂雕楹上有好鳥相和鳴聞闕早得春風情春風
卷入白雲去千門萬戶皆春聲是時君王在鎬京五雲
垂暉耀紫清仗出金宮隨日轉天回玉輦統花行始向
蓬萊看舞鶴還過萑石聽新鶯新鶯飛統上林苑願入
欽定四庫全書 御定廣羣芳譜 卷七十六 三十一

簫韶雜鳳笙劉商柳條歌送客露井天桃春未到遲
日猶寒柳開早高枝低枝飛鷗黃千條萬條覆宮牆幾
回離別折欲盡一夜東風吹又長慘慘拂人行不進依
依送君無遠近青春去住隨柳條却寄來人以為信
白居易蘓州柳金谷園中黃嬋娜曲江亭畔碧婆娑老
來處處遊應偏不似蘓門柳最多絮撲白頭條拂面使
君無計奈春何崔珣門前柳門前蜀柳先知春風澹
暖烟愁殺人將謂只栽郡樓下不知迤邐連南津南津

柳色連南市南市戎州三百里夷峽蠻落相連接故鄉
莫道心先死我今帝里還有家門前嫩柳挿仙霞晨霑
太乙壇邊雨暮宿鳳凰城裏鴉別來三載當誰道門前
年年綠陰好春來定解飛雪花雨後還應庇烟草憶昔
當年栽柳時新穿茁茁生遲如今宛轉梯著地常向
綠陰勞夢思不道彼樹好不道此樹惡試將此意問野
人野人盡道生處樂為報門前楊柳栽我應來歲當歸
來縱令樹下能攀折白髮如絲心似灰 宋蘇軾次韻

欽定四庫全書

御定廣羣芳譜
卷七十六

子由柳湖感物憶昔子美在東屯數間茅屋蒼山根朝
吟草木調蠻獠欲與猿鳥爭歌喧子今憔悴衆所棄驅
馬獨出無往還惟有柳湖萬株柳清陰與子供朝昏胡
為譏評不少借生意凌挫難為繁柳雖無言不解慍世
俗乍見應憮然嬌姿共愛春濯濯豈問空腹修蛇蟠朝
看濃翠傲炎赫夜愛疎影搖清圓風翻雪陣春絮亂盡
響啄木秋聲堅四時盛衰各有態搖落悽愴驚寒溫南
山孤松積雪底抱凍不死誰復賢 蘇轍柳湖感物柳

湖萬柳作雲屯種時亂挿不須根根如卧蛇身合抱仰
視不見見蜩蟬喧開花三月亂飛雪過墻度水無復還窮
高極遠風力盡棄墜泥土顏色昏偶然直墮湖中水化
為浮萍輕且繁隨波上下去無定物性不改天使然南
山老松長百尺根入石底蛟龍蟠秋深葉上露如雨傾
流入土明珠圓乘春發生葉短短根大如指長而堅神
農嘗藥最上品氣力直壓鍾乳溫物生稟受久已異世
俗何始分愚賢 徐積楊柳枝楊柳楊柳復楊柳舞罷

欽定四庫全書

御定廣羣芳譜
卷七十六

青衫困垂手相如病思最多情沈約才清更酣酒君看
好鳥鳴枝間日與春風問安否清明前後峭寒時好把
香綿閑抖擻 楊萬里岸柳柳梢拂入溪雲陰柳根插
入溪水深祇今立岸一敕帚歸時美日千黃金人生榮
謝亦如此謝何足怨榮何喜秋霜春雨自四時老夫問
柳柳不知 金元好問結楊柳怨長樂坡前一杯酒鄭
重行人結楊柳可憐楊柳千萬枝看看盡入行人手輕
烟細雨綠相和惱亂春風態度多路人愛是風流樹無